



其四十二  
保嬰女撮要六

中武  
584  
14



門中武  
號 584  
卷 14

保嬰撮要卷十一

續集

薛氏醫按

吳郡薛 已著

江都吳中珩校

腫瘍一

腫瘍者以瘡瘍未潰而言也經云形傷痛氣傷腫又云鬱氣不從逆於肉裡乃生癰腫皆因稟受胎毒或乳母膏粱厚味七情陰火或兒食炙博甘美積毒氣血不和所致當分其經絡所屬五臟相勝與元稟虧損預為審用攻補調和之劑速令散潰尤當審其勢之腫漫色之赤白與痛有微甚毒有表裡若腫高焮痛便利調和邪在表也宜表散之腫硬痛深大便秘澀邪在內也宜下之外無拘急內則便利調和者邪在經絡也宜調榮衛腫焮大痛或麻木不痛邪氣凝滯也用隔蒜灸及活命飲若煩躁飲冷赤痛發熱二便不通者火熱內熾也用清涼飲活命飲



加大黃尤善若微腫微痛或不痛陽氣虛弱也用參芪托裡散  
微黯微赤或不赤陽氣虛寒也用加味托裡散若惡寒而不作  
膿或膿熟而不潰者陽氣虛也用加味托裡散如此則未成者  
自能消散已成者自能潰腐尤當別其屬陰屬陽或半陰半陽  
而治之若泥於腫瘍禁用辛熱之說不分受症之因兼症之經  
槩行敗毒泛擾諸經誅伐無過以致不能起發或不能腐潰收  
斂變症莫能枚舉癰疽論云腫瘍內外皆壅宜以托裡表散爲  
主但見腫痛參之脈症虛弱便與滋補氣血無虧可保終吉嬰  
兒有疾兼調其母若腫瘍之際治失其法必致潰瘍之變症此  
推內經之微旨而生平之微驗者尤當觸類而長愚奚庸贅

潰瘍二

潰瘍者以瘡瘍膿潰而言也膿潰而腫消痛止者爲順若膿潰

腫痛或發寒熱者氣血虛也用十全大補湯膿潰欲嘔少食脾  
胃虛弱也用六君炮薑手足竝冷者脾氣虛寒也用六君薑桂  
如不應急加附子膿潰而仍痛或二便秘瀉者熱毒未解也用  
清熱消毒散熱退而渴不退津液不足也用八珍加黃芪麥門  
山茱萸熱止而小便頻數腎虛也用加減八味丸料若熱不止  
或腫痛反甚虛熱內作也用人參黃芪湯或熱退而肌肉不生  
者氣血俱虛也用十全大補湯瘡色天白或陷下不斂寒氣所  
襲也用五味異功散佐以豆豉餅膿血過多煩躁不安乃亡陽  
也急用獨參湯尤當審其腫之軟硬飲食冷熱與膿之稀稠多  
少肉之赤色微甚青黯及瘡口之收斂遲速而投托裡消毒調  
補之劑庶無變症癰疽論云潰瘍內外皆虛宜以托裡補接爲  
主蓋潰瘍之變症因由於腫瘍之際治失其宜虧損元氣之所

致治者誠能謹之於始則無後變之患矣

胎毒發丹三

胎毒發丹者因胎毒內伏或煩浴熱湯或著烘衣或乳母飲食七情內熱助邪為患發於頭面四肢延及胸腹色赤遊走不定古人云從四肢起入腹囊者皆不治當急令人隨患處遍吮毒血各聚一處砭出之急服活命飲惟百日内忌砭以其肌肉難任也若發散過劑表虛熱而赤不退者用補中益氣湯加防風白芷寒涼過劑胃氣受傷而熱赤不退者用異功散加柴胡升麻或兼發搐等症用四君升麻當歸鈞藤鈞木賊草一劑不起頭額間患者當臥鎌砭之史少叅孫二歲丙申正月陰囊赤腫余作胎毒治瘥後患發熱痰盛等症診其母有鬱火血熱用解鬱涼血之藥子母俱服而愈至六月初患吐瀉兩眼瞶動

或投參朮之類不應以為慢而欲用附子藥請余議視其寅卯關脈赤此屬風熱傷脾用柴胡清肝散加鈞藤鈞木賊草一劑即愈丁酉正月初旬頸患熱毋膿出貼藥忽暴風啟戶即時發熱翌日頭面黯腫如斗兩耳二寸許此風邪上攻血得熱而弗騰也急砭兩額出黑血三盞許隨用清熱化毒湯黯腫十退七八翌日復砭則血不甚黑矣仍以前藥去牛蒡子加熟地黃而愈此症若不行砭法或作破傷風治必死

一小兒四肢患之外勢雖輕內則大便秘結此患在臟也服大連翹飲敷神効散而瘥

一小兒患之赤暈走徹遍身難以悉砭令人吮四肢胸背數處便毒血各疑聚而砭之先用活命飲末酒調二服又以金銀花甘草節為末用人乳汁調服漸愈月餘後兩足皆腫仍砭之服

前藥而痊數日後兩足復赤或用犀角解毒丸之類致乳食不進肚腹膨脹此復傷脾胃而然也敷神功散服柃中益氣湯加茯苓而痊

一小兒腿如霞片遊走不定先以麻油塗患處砭出惡血其毒卽散用九味解毒散而安

一小兒臂患之砭出毒血而愈惑於人言服護心散以杜後患服之吐瀉腹脹患處復赤手足並冷余謂此脾胃虛弱前藥復傷用六君子湯一劑頓愈又以異功散加升麻柴胡而痊

一小兒患此砭之而愈但作嘔不食流涎面黃余謂此脾氣虛弱用異功散加升麻治之吐止食進又用補中益氣湯涎收而

一小兒患此砭之而愈翌日發搐作嘔手足並冷此胃氣虛而肝木侮之用異功散加藿香木香諸症頓止又用異功散加升

### 麻柴胡而痊

一小兒患此砭之而愈但面赤作嘔飲冷余謂胃經熱毒未解先用仙方活命飲又用清熱消毒散各一劑而愈

一小兒腿上患之神思如故乳食如常余謂毒發於肌表令急砭出毒血自愈不信外敷寒涼內服峻劑腹脹不乳而死

一小兒遍身皆赤砭之投以解毒藥而愈

一小兒患此二便不利陰囊肚腹俱脹急用砭法隨以活命飲加漏蘆木通大黃爲末時用熱酒調服至兩許二便俱通諸症頓退却去三味仍前時服而愈

一小兒患此二便不利腹脹咳嗽用活命飲加漏蘆木通麻黃爲末時時熱酒調服二便隨通通身出汗諸症頓退鼻息似絕無氣以動時或似躁此邪氣去而元氣虛也急用當歸補血湯

砭法治丹毒赤色遊走不定令口吮毒血各聚一處用細磁器擊碎取有鋒芒者以筋頭劈開夾之用線縛定兩指輕撮筋頭稍令磁芒對聚血處再用筋一根頻擊刺出毒血輕者止用口吮出毒用藥敷之如患在頭者不用砭法止宜用針臥側挑患處以出毒血遲則毒血入腹而難起矣

神功散治丹毒最効若砭後毒甚者宜用如毒輕者砭後不可用恐砭處皮膚既破草烏能作痛也

仙方活命飲

清熱化毒湯

清熱消毒散

柴胡清肝散

補中益氣湯

小柴胡湯

大連翹飲

柴芍參苓飲

九味解毒散

傷食發丹

傷食發丹者因脾胃之氣未克乳食過多不能運化蘊熱於內而達於肌表也若因乳食停滯者先用保和丸消之大便秘結量加大黃通之乳食既消而丹尚作者用清中解鬱湯治之丹邪既去而乳食不思者用五味異功散補之發熱作渴或飲食少思者用七味白朮散補之大凡飲食厚味所致者赤暈或行而緩慢若飲燒酒或誤吞信石所致者遍身赤暈其行甚速又有瘡瘍發焮周圍有赤暈其熱消散或膿出自退凡此俱忌砭法皆宜安理為主不可攻伐若自吐瀉亦不可止之吐瀉中有發散之意因飲燒酒者飲冷米醋一二杯解之此神妙之法也因母多食炙燻膏粱或飲燒酒或服辛熱燥藥或鬱怒傷肝脾致兒為患者當參胎熱毒瘡瘍治之

一小兒面赤皎白手足常冷傷食患丹余謂此因脾胃虛弱不

信另用尅伐之劑更吐瀉腹痛吐涎不乳口舌生瘡此脾胃復傷而虛寒格陽在外非實熱也先用六君乾薑又用五味異功散而愈

一小兒每停食發赤暈此脾虛食鬱用清中解鬱湯而愈越月忽搖頭咬牙痰甚發搐嘔吐酸腐此食鬱傷脾也待其吐盡翌日少與白朮散而愈又服前散月餘遂不復患

一小兒停食便秘四肢赤色此飲食蘊毒於內用枳實黃連厚朴山查神麩而便通赤解更頭暈咳嗽此脾氣虛而不能生肺金也用六君桔梗以補脾肺山查神麩以消飲食而痊

一小兒患此服發表之劑手足抽搐服驚風之藥目矇痰甚余謂脾胃虧損肝木所勝之虛象無風可祛無痰可逐用六君子湯一劑而安再劑而痊

一小兒停食服通利之劑患丹作嘔腹脹此脾氣復傷也用補中益氣湯五味異功散而愈

一小兒因母食炙煨酒麩兩臂前腠各漫腫一塊有根四畔赤暈相圍余謂患處屬胃經因胃經積熱而為患也用清胃瀉黃二散治之而消設謂丹毒輒用砭法及敗毒之藥反促其危矣

一小兒因母飲燒酒其子身赤如丹毒三日間皮膚皆潰煩躁發熱飲冷作渴令飲冷米醋即日竝安却服金銀花甘草末愈而

一小兒患瘡服信石之藥遍身赤痛煩躁昏憤用米醋一杯徐灌而甦良久遍身如故又用金銀花甘草為末每服一錢米醋調下三服而安

一小兒五歲忽吐瀉又俄頃胸腹赤色見遂遍身俱赤余意其中信石之毒而然若胎瘤食毒則無此急速乃灌冷米醋一杯

吐瀉即止少刻赤漸退半日始甦其形尚似死又用羊血接其元氣而愈

保和丸 方見虛羸

瀉黃散 方見脾臟

清胃散

加味歸脾湯

六君子湯 三方見天鈞

清中解鬱湯 方見

七味白朮散 方見積滯

胎毒瘡瘍 三

寶鑑云初生芽兒一塊血也無形症也無脉有驚即係是胎驚有熱即係是胎熱嬰兒實與乳母一體凡患瘡疾但審乳母肝經有熱用加味小柴胡湯之類肝經虛熱用加味逍遙散之類腎水不能生肝用地黃丸心經積熱用柴胡梔子散心經虛熱用茯苓補心湯膏梁積熱用東垣清胃散脾經鬱熱用錢氏瀉黃散脾經虛熱用錢氏異功散若服犀角丸化毒丹外敷寒涼

之藥復傷生氣乃促其危也

一小兒生下耳前腫一塊如小粟旬餘色赤腫高觸之則哭此屬膽經部位診乳母果肝膽經脉數此稟生母肝火所致乳母有肝火而益甚也又數日作炒不安手足時搐此因作膿癰痛而然又三日早間以指微按瘡頭腫隨指復起其膿已成也至午瘡頂起薄皮膿已熟也點代針膏將晚出膿兒頭安腫赤頭消此瘡家最善症也貼太乙膏以護風寒乳母服逍遙散而愈一小兒生下臂外腫一塊寸許月餘忽赤腫二寸許外亦暈勢欲走散此膿毒內熾針之隨出膿赤暈退兒即安診乳母肝膽脈弦數按之有力先用加味小柴胡湯加黃連二劑去黃連又二劑却用加味逍遙散與乳母服兒尋愈

一小兒生下大腿腫寸許一塊面目色白將暮敷藥而潰膿水



清稀二莖而未愈後呵欠咬牙此稟腎虛朝用補中益氣湯夕  
用地黃丸料與母子同服半杯年餘而愈

一小兒生下左脇間一塊漫腫無頭肉色不變敷鐵箍散潰而  
膿清欲嘔余謂稟肝經氣滯而脾氣虛不能愈也先用異功散  
加柴胡升麻以補脾胃又以托裡散加柴胡山梔以托裡清肝  
其子亦飲數匙三月而愈

一小兒生下小腹患腫一塊年餘不潰寒熱往來此稟肝火而  
然也其母果經事不調內熱體倦用地黃丸八珍湯與母服子  
日服半杯尋愈

一小兒生下胸脇間腫赤年餘不消余謂稟肝血熱但治其母  
不信另用鐵箍散犀角丸作嘔不乳此胃氣虛而復傷余用五  
味異功散救子之胃氣用加味道遙散治母之肝火頓愈

一小兒生下遍身無皮色赤原母素食膏粱之物以寒水石一  
兩炒焦黃栢二兩淨黃土四兩俱爲細末時敷遍身母服清胃  
散加漏蘆五日赤少淡却用黃土五兩炒焦黃栢一兩敷之母  
服加味道遙散又三日赤頓淡水頓少又三日但敷黃土一味  
每服八珍湯加牡丹皮柴胡而愈

一小兒生下有疥審其母素鬱怒用消毒散以當歸膏調敷母  
服加味道遙散加漏蘆及加味歸脾湯而愈後復發爲母食膏  
粱用清胃散及敷前藥而愈

一小兒生下有痔瘡三歲後作痛服化毒丹犀角丸以治大腸  
之火更腹痛作瀉咬牙呵欠仍欲治火余曰呵欠咬牙屬肝經  
之症內經云因而飽食筋脉橫解腸澀爲痔此稟肝火爲患兒  
服地黃丸母服味道遙散加漏蘆而愈

一小兒陰囊赤痒或時如無皮狀兩日常閉服化毒丹益甚余曰化毒丹犀角丸治脾胃實火之劑前症乃稟肝腎經陰虛也

不信仍服之幾危余用六味地黄丸四味肥兒丸母服加味道遙散而痊

一小兒生下陰囊赤腫余謂稟腎肝陰虛不信另用化毒丹之類前症益甚更嘔吐不乳手足並冷此脾胃被傷先用五味異功散母用大劑地黃丸料加炒黑黃柏及漏蘆與數劑而消其時恐是症服化毒丹敷涼藥者俱不救

一小兒生下臀尖微腫寸許一塊敷鐵箍散服化毒丹越月腫起色赤啼聲不絕以指按之隨手復起此膿內熟而痛也遂針之出稠膿啼聲即止余謂血氣無虧不必用藥彼欲速效另服犀角丸致吐瀉發搐欲投驚藥余曰此因脾胃虧損而內生風

耳急以人參一兩細切和壯婦乳一鍾置粥釜中煮良久取出絞乳汁以綿作乳頭樣者蘸乳頻與兒吮之一日吮盡却服乳化地黃丸母日服八珍湯加漏蘆不月而愈

一小兒生下臀內賺赤腫二寸許一塊有膿內潰遂針之出膿甚多隨眼閉咬牙余謂眼閉脾氣虛不能開也發搐咬牙乃脾氣虛而肝火動也以人參如前漬乳兒吮母服八珍湯加漏蘆月餘而瘡愈

一小兒生旬餘頭患毒高寸許有赤暈勢危急臥鎌砭出黑血兒即安翌日眉間有患亦有赤暈余意宜即砭之衆議第二日砭之果血凝不出腹脹而效

敷藥鐵箍散治一切瘡癤癰疽

芙蓉葉

黃柏

大黃

五倍子

白芨

右為末用水調搽四圍

按前方乃寒涼解熱收斂之劑或有用白欬商陸根者有用寒水石天花粉者有用蒼耳金銀花者有用 蕉赤小荳者有用草烏白芷之類者皆不分寒熱溫涼之雜餌內經云先腫而後痛者形傷氣也先痛而後腫者氣傷形也又云五臟不和九竅不通六腑不和痛結為癰外科精義云凡瘡腫高而軟者發於血脈腫下而堅者發於筋脈肉色不變發於骨髓蓋必有諸中而後形諸外故受症之經與所患之位各有不同豈宜一槩外敷涼藥惟脾胃無虧血氣不和者庶幾有效若服化毒之類脾胃復傷運氣凝滯亦不能消矣至如疔瘡之類正欲宣拔其毒若復用前藥肌肉受寒血氣凝滯必致毒氣入內而不救治法必察其腫之高漫色之赤白痛之

微甚作膿之難易出膿之稠薄生肌之遲速以別其屬陰屬陽或半陰半陽或純陰純陽而用相宜之藥以涼之熱之和之又當審受症之傳變五臟之相勝而以調補脾胃為主庶不致變惡症也

五福化毒丹治胎毒及痘後頭面生瘡眼目腫痛

生地黄各三兩 熟地黄自製 天門冬去心 麥門冬去心

甘草

甜硝各二兩

青黛一兩

右為末煉蜜丸如芡實大每服一九白滾湯化下甜硝即朴硝以滾湯製過者便是

按前症服此而發搐痰喘者皆中氣受傷而變虛熱也急服五味異功散若手足並冷者中氣虛寒也前湯加薑桂多有生者

犀角消毒丸治積熱及痘疹後餘毒生瘡

生地黄

防風

當歸

犀角屑

荆芥穗

各一兩

牛蒡子

炒

赤芍藥

連翹

桔梗

各七錢

薄荷

黃芩

甘草

右為末煉蜜丸如芡實大每服一丸薄荷湯化下

按前二方善損中氣傷陰血若大人形病俱實脾胃健旺者庶可用之恐芽兒臟腑脆嫩不能勝此經云氣主噓之血主濡之氣者胃中冲和之元氣若胃氣一傷不能噓濡消散膿已成者不能腐潰膿已潰者不能生肌收斂因而難治甚致不起不可不慎也

八味茯苓補心湯治心氣不足血氣不和而患瘡症

愚製

茯苓

酸棗仁

炒各二錢

五味子

炒

當歸

人參

一錢五分

白朮

炒一錢

菖蒲

五分

遠志

去心六分

甘草

炒五分

右作二三服水煎

柴胡梔子散

方見脇癰

托裡散

方見執毒丹

熱毒瘡瘍

四

熱毒瘡瘍因食膏粱厚味或乳母七情鬱火所致若腫畧作痛氣血凝滯也用仙方活命飲口渴便秘熱毒內蘊也用四順清涼飲佐以如聖餅惡硬色赤熱毒凝聚也用活命飲佐以隔蒜炙腫焮不消欲作膿也用托裏消毒散不成膿或成膿不潰氣血虛也用八珍湯潰而肉赤不斂脾血虛也用四物參朮肉白而不斂脾氣弱也用四君芎歸食少體倦而不斂脾氣虛也用六君當歸升麻凡藥對症無有不愈設或妄行攻毒元氣虧損

則變惡症而難治矣大抵瘡瘍屬腑者易治元氣無虧者不治  
自愈屬臟者難治元氣虧損者則變為惡症誤行尅伐元氣虧  
損尤難療理故切不可用峻厲之劑觀東垣丹溪云但見腫痛  
察之脈症虛弱便與滋補血氣無虧可保終吉若用驅逐敗毒  
不免有虛虛之禍矣

一小兒患之腫焮敷服敗毒之藥腫益甚更作嘔視其寅關脈  
青赤此肝經風熱之毒中氣復傷而然也用五味異功散加柴  
胡升麻再用補中益氣湯加白芷桔梗而愈

一女子十歲餘耳下連項赤腫寒熱頭痛恪敷鐵箍散此少陽  
膽經火症內作非鐵箍散所能愈余用梔子清肝散而愈

一小兒所患同前右關脈數按之則弦作嘔懶食此肝木尅脾  
土所致用小柴胡湯去黃芩加茯苓芍藥而愈

一小兒患之余謂稟肝脾氣滯不信用鐵箍散犀角丸而嘔吐  
少食手足竝冷此脾胃復傷也子用五味異功散加木香母用  
加味逍遙散加味歸脾湯而消

一小兒缺盆患之內外敷服敗毒之藥發熱腫痛按之則軟此  
膿內潰也喜其右腮白左腮黃乃脾肺相生其病易愈遂針出  
膿用托裏散而愈

一小兒頭面患之服清胃之藥腫痛益甚余謂毒氣熾盛而瘀  
血不散也用仙方活命飲二劑而愈後因傷食朝寒暮熱頭面  
仍患之服降火之劑口舌赤腫手足竝冷余謂胃氣復傷而虛  
寒也用五味異功散而愈

一小兒頭患痛甚多寒熱作痛時季夏乃形病俱實先用人參  
敗毒散加黃連香薷一劑其痛頓止次用仙方活命飲末三服

大者出膿小者自消後食厚味復發用清胃散活命飲各一服而愈

一小兒素食炙博不時患之此膏梁積熱所致用清胃瀉黃二散將愈又停食服巴豆之藥口舌赤爛頭面生瘡此胃氣復傷而內熱也用人參安胃散而愈

一小兒不時患之兼頰側結核此肝疳之症先用龍膽瀉肝湯二劑以治肝火又用四味服兒丸五味異功散加升麻柴胡消疳健脾而愈

一小兒素有肝脾之症患癰甚多用仙方活命飲二劑腫痛頓退又用四味肥兒丸五味異功散加柴胡升麻而愈其時同患此症用犀角丸化毒丹傷其脾胃者俱致不起

一小兒頭面患之腫痛焮作屬胃經熱毒先用仙方活命飲未次用清胃散而痊後口舌生瘡別搽末藥腹痛重墜作嘔不食手足指冷余謂脾胃虛寒用異功散加升麻而痊

一小兒十二歲胸前患此腫焮作痛外敷鐵箍散內服犀角丸腹中寒痛驗之膿已成先用五味異功散再用托裏消毒散膿自出却用托裏散而愈

一小兒臂患毒漫腫微痛敷鐵箍散時欲嘔吐胸腹痞滿手足並冷此脾氣虛寒也症屬半陰半陽鐵箍散乃純陽之藥非其所宜遂敷冲和膏服六君乾薑而消益小兒元氣易實易虛用寒藥敷貼逼毒入臟而不能救者多矣

仙方活命飲

金銀花

陳皮

各三錢

皂角刺

炒

穿山甲

蛤粉同炒

防風

沒藥

白芷

乳香

蘇天醫按

保嬰最要卷十一

三

三

當歸各一錢 貝母 天花粉 甘草節

右每服五錢酒煎服嬰兒每服一兩母子同服為末酒調服亦可毒在表者加麻黃散下毒在內者加大黃下之當臨制宜此解毒回生起死之良劑

托裏消毒散治胃經虛弱或因尅伐致瘡不能潰散瘡未成即消已成即潰腐肉自去新肉自生

人參 黃芪 當歸酒拌 川芎

芍藥炒 白朮炒 茯苓各一錢 金銀花

白芷 甘草炙 連翹各五分

右作二劑水煎徐徐服

托裏散治瘡瘍因氣血虛不能起發腐潰收斂及惡寒發熱宜用此補托之

人參氣虛倍用 黃芪炒 當歸血虛倍用 白朮倍用

茯苓 芍藥酒炒各五分 熟地黃二錢生者自製

右作二三劑水煎服

替針丸治瘡疽膿已成不潰者

陳壞米一錢 礪砂五錢 雄雀糞四十九粒直細者是也

右為末米粥丸麥粒大每用一粒粘瘡頭上以膏藥貼之半响其膿自出若瘡頭透而膿不出或出而愈痛或發熱血氣

虛也用托裏散或作嘔吐痰食少體倦脾氣虛也用六君子湯

五福化毒丹治熱毒蘊積赤咽乾口舌生瘡或頭面瘡癰譫語

不寧方見胎毒瘡瘍

按前方生血涼血解毒寒中之劑形病俱實者殊有良驗但

一二丸即止不可過多則反傷元氣變症不可勝言也

天烏散

天南星

赤小豆

草烏

黃蘗

各等分

右為末薑汁米醋調貼患處

四物湯治發熱煩燥或日晡熱若因脾虛不能生血者則用六

君子湯之類片用前藥

方見厥癰

四君子湯治腸胃虛熱唇口生瘡或瘡不消不潰不斂或食少

作嘔大便不實若因肝木乘脾土而致者宜加軟柴胡炒黃

芍藥

方見腹癰

六君子湯治脾胃虛弱飲食少思或大便不調肢體消瘦面色

痿黃即四君子湯加陳皮半夏

八珍湯治氣血俱虛成者不能潰潰者不能斂或惡寒發熱或

晡熱作渴飲食少思者

即四君子湯合用

如聖餅治氣血瘡瘍硬腫不能消散若大人發背等症肉死不

知痛加蟾酥

方見流注

四順清涼飲

四君子湯

二方見腹癰

加味歸脾湯

小柴胡湯

梔子清肝散

三方見脇癰

托裏冲和湯

方見發癰

五味異功散

方見敗毒之藥

加味逍遙散

方見發熱不止

人參敗毒散

方見發癰

四味肥兒丸

方見脾骨癰

隔蒜灸法

方見流注

清胃散

方見熱毒口瘡

補中益氣湯

方見肌內不生

胎毒瘰癧

五

胎毒瘰癧者乃稟肝膽二經鬱火氣滯所致蓋肝膽經行人身之側若因肝火動而受患故發於肝膽二經部分當審其因而藥之或因乳母恚怒或血虛內熱者當審其所因而調其母不可用峻厲之藥恐傷元氣也



一 小兒落草頸間有癭五枚審其母素多怒時常寒熱或乳間作痛或脇肋微腫悉屬肝膽經症先用小柴胡湯加當歸芍藥寒熱頓退又用加味逍遙散母服兩月餘其兒亦愈

一 小兒因乳母肝經有熱耳前後患之用加味逍遙散治其母其兒自愈

一 小兒頸間耳下各結核三歲久服消毒之劑患處益甚元氣益虛診乳母素鬱怒致肝脾血虛而有熱用加味歸脾湯為主佐以加味逍遙散母熱漸退却與兒日各數匙兩月餘而愈

一 小兒自落草時頸間患有四枚至五歲耳前後如貫珠元氣虛甚寒熱往來飲乳不徹此稟肝膽經氣滯之症用八珍逍遙二散與壯年婦人服之兒飲其乳半載之後兒體漸充其核漸消又服地黃丸逍遙散而全愈

一 小兒頸間結核或發寒熱左頰青額間赤此稟肝心二經之症用加味逍遙散加漏蘆與母服兒日服半蛤許兩月餘核漸消後因母怒發熱兒病仍作先用加味小柴胡湯加漏蘆又用加味逍遙散加漏蘆與母服兩月餘母子俱安

一 小兒頸間前後各有一核色如故至週歲母有怒氣各核變赤用加味逍遙散加漏蘆五分十餘劑將愈後因母大怒寒熱往來四肢痠痿其子亦然又用加味逍遙散加漏蘆鈞藤鈞母子並服而安

一 小兒生下頸間瘰癧三枚將期敷藥延及耳前余謂此稟肝膽二經所致診其母肝膽脈尚洪數余謂母子一體治其母兒自愈不信另用必效散一服吐瀉並至一夕而效

小柴胡湯

加味歸脾湯 二方見脇癧

加味逍遙散 方見發熱不止

六味地黄丸

方見作渴不止

熱毒癩癧六

熱毒癩癧乃手足少陽足厥陰二經風熱之症或肝疳食積所致其症發於項腋或耳前後或如貫珠當分表裡虛實若焮赤腫者肝經熱毒也用人參敗毒散作痛寒熱者肝火內作也用加味小柴胡湯不痛而小便黃肝血虛也用六味地黄丸隱於肉裏而色不變者肝疳內作也用九味蘆薈丸膿成而不潰或潰而不斂者脾氣虛弱也用益氣養榮湯凡此腫焮疼痛寒熱作渴者屬病氣有餘形氣不足治宜清肝火生肝血腫硬不潰潰而不斂者屬病氣形氣俱虛治宜補腎水實脾土若因乳母恚怒肝火遺患者又當隨所因而治之

一小兒膿水淋漓其核未消發熱憎寒此肝經氣血虛而有熱

也用補陰八珍湯為主間以清肝益榮湯而愈後復結核小便赤澀晡熱作渴用參朮柴苓湯為主佐以六味地黄丸料加柴胡山梔及四味肥兒丸而斂

一小兒十五歲患此發熱作渴日晡頰赤脉數無力屬陰虛而有熱用補陰八珍湯五十劑加參芪又二十劑而潰但膿水清稀肌肉不生此脾氣虛弱也以參芪歸朮為主佐以芍藥熟地麥門五味氣血乃復遂進必効散一服毒下而痊

一小兒十三歲久不愈寒熱兼作飲食少思此肝火熾而脾胃虛也用益脾清肝散佐以九味蘆薈丸而愈至十六歲陰莖忽痿服溫補之藥莖竅出臭津舊痕腫痛予用清肝火之藥愈而愈  
一小兒十五歲患此恪用攻痰前症益甚虛症悉至仍議前法余曰小便頻數肝經陰虛也兩目連劄肝經風熱也作嘔懶食

胃氣虛弱也泄瀉後重脾氣虛陷也遂用補中益氣湯六味地黃丸漸愈又用九味蘆薈丸而消

一小兒項間及四肢結核久潰不斂形體骨立大便不調小便頻數此肝脾疳症用九味蘆薈丸補中益氣湯而愈

一小兒十四歲患此膿水清稀肌體骨立晡熱盜汗口乾欬痰此腎水不能生肝木也用六味地黃丸補中益氣湯三月餘元

氣漸服佐以四味肥兒丸而愈畢姻後唾痰體倦發熱作渴此脾肺虛不能生腎水水泛而為痰用地黃丸補中益氣湯而愈

一小兒患此服尅治之藥致寒熱腹膨此肝脾疳症先用五味異功散加柴胡升麻佐以九味蘆薈丸漸退又用四味肥兒五

味異功散而清  
一小兒患此服化痰散堅之藥面色赤白少陽二焦部分見青

筋又目窺出淚此肝膽風熱所致脾土虛而肝木所侮也先用

補中益氣湯柴胡清肝散加蕪荑核漸消又佐以五味異功散

加蕪荑而愈  
一小兒九歲患此面色常青腫硬不潰肉色不變乃伐肝化痰

余曰常調補肝脾不信果虛症蜂起復請治仍欲伐肝余曰面

帶青色肝虛而本色見也面色變白肺虛而本色見也痰涎上

湧脾虛而不能攝也兩目連窺肝血虛而生風也經云胃為五

臟之本當先救胃氣遂用五味異功散加升麻柴胡元氣稍復

乃朝用補中益氣湯夕用五味異功散佐以九味蘆薈丸面色

始黃而核漸消又以四味肥兒丸間服地黃丸而愈  
一小兒五歲患此小便白色此肝脾疳症用九味蘆薈丸四味

肥兒丸而消因食橙橘二便俱白切開結核亦用前丸而愈後

目連劬頸間耳後結核用柴胡清肝散蘆薈丸而愈  
張閣老姪孫患此久服化痰削堅之劑夜熱吐痰時季夏脉大  
按之而濇余曰夏月肝症而見肺脉至金旺之時其病必進矣  
至八月疾甚果不治

一女子十四歲耳下患此服化痰泄氣藥前症益甚諸症並臻  
余曰此肝膽經虛火之症也前藥乃泛擾諸經無臟不傷若不  
悟仍服之更四肢發搐目閉口噤余曰此肺經虛肝木動而脾  
土復傷也當補脾土滋肺金養腎水亦不信後果效  
一小兒四歲患此泛服軟堅伐肝之劑益甚余曰此稟肝經之  
虛羸兼乳母鬱怒所致當調補乳母肝脾滋子之腎水不悟仍  
用前藥以致不起

四味肥兒丸治食積脾疳面耳口舌生瘡目障雲翳牙齒腐爛

等症 方見貼骨應

柴芍參苓飲治肝火血熱遍身搔痒或起赤暈或筋攣結核

柴胡 芍藥 人參 白朮

茯苓 陳皮 當歸 各五分 牡丹皮

山梔 炒 甘草 炒各三分 右薑棗水煎服

神功散治瘡瘍初起腫焮者用之可消加血竭更好母毒未砭者亦可用之

黃栢 炒 草烏 生用

右各另爲末等分用漱口水調敷常漱口水潤之

清肝益榮湯治肝膽經風熱血燥筋攣結核或作瘕子

柴胡 山梔 炒各五分 龍膽草 酒拌炒 黑五分

當歸 川芎 芍藥 各一錢 熟地黃 自製

商氏醫書 伏嬰子要卷十一 十一

白木炒

木瓜不犯

茯苓

薏苡仁

各五分

甘草三分

右水煎服

加味小柴胡湯山梔牡丹皮治肝膽經風熱耳前後腫痛或結

核痲痛或寒熱嘔熱口苦耳聾等症前方去山梔丹皮即小柴胡湯

柴胡二錢

黃芩炒一錢

人參

半夏

各七分

甘草分

山梔

牡丹皮

各一錢

右薑水煎徐徐服

九味蘆薈丸治肝脾疝熱患瘰癧結硬或三焦目生雲翳耳內

生瘡或肢體消瘦熱渴少食或肚腹不調牙齦蝕頰腐爛下

部生瘡等症方見喉痺

必効散治瘰癧元氣無虧者宜用此方若元氣怯弱者宜先補

而後服之瘰癧毒已下便與滋補庶無他患若孕婦及虛勞氣

鬱所致者尤不可服世以此方為良劑故併註之

南鵬砂

二錢五分

輕粉

一錢

麝香

五分

巴豆

五粒去皮心膜

白檳榔

一箇

班貓

四十箇去頭足翅用糯米炒

右為末取鷄子二箇去黃用清調藥入殼內以濕紙數重糊

口甑蒸熟取出曝乾研細每服五分用炒生薑酒五更調服

如毒出小便澀痛用益元散一服其毒出而不痛

益氣養榮湯

方見鶴膝風

梔子清肝散

方見脇癧

補陰八珍湯

即八珍湯加黃柏知母

益脾清肝散

方見黃水瘡

驚風結核七

驚風結核屬肝膽二經風木相火用事木旺生風熱同化其病  
抽掣擾動此乃風熱血燥而然耳益風動則肝火盛火盛則肝  
血內消血不能養筋故筋攣結核如貫珠然頸項兩側正屬肝

膽經部分治宜滋腎水清肝火養陰血壯脾土蓋腎水旺則肝火自清肝火清則陰血自生陰血生則相火自寧火既寧則無熱傷元氣火乘土位之疾矣

一小兒因驚項間結核目劄唇動搖頭抽搐此風木凌於脾土也用皂角子丸補中益氣湯漸愈又用九味蘆薈丸而痊

一小兒甫周歲項間結核兩臂反張索敗毒之藥余意此屬肝經血燥詢之果前患驚風曾服硃砂等藥遂與六味地黃丸滋其肝血數服而愈

一小兒項側結核痰盛發搐服金石香燥之劑手足筋攣此肝血復傷即急驚也遂用加味小柴胡湯加釣藤鈎山梔芎歸六味丸料加五味麥門而痊

一小兒每受驚項間結核發熱減食睡間四肢微抽此肝木

脾土也用五味異功散加柴胡升麻釣藤鈎隨愈畢姻後腿臂腕間結核誤服行氣破血藥腿臂筋攣肌體消瘦如瘵症余考績到京用地黃丸生肝腎之血佐以補中益氣湯補脾肺之氣而愈

一小兒耳前後結核遇驚即痰盛咬牙抽搐搖頭恪服香燥之藥以致慢驚而卒

皂角子丸治肝膽經風熱項脇兩側結核

皂角子仁炒連翹八錢當歸 柴胡

芍藥炒山梔炒川芎各一兩桔梗炒

草龍草酒拌炒甘草炒各四錢

右為末米糊丸菜豆大量兒大小滾湯下

人參敗毒散治小兒風熱瘙痒頑核毒瘡或解脫衣裳風邪所

毒大醫安 卷十一

傷惡風發熱胸膈生涎頭目不清方見發癰

九味柴胡湯治肝經熱毒下注患便毒腫痛或小腹脇間結核

凡肝膽經部分一切瘡瘍或風毒惡核瘰癧炒

柴胡五分 黃芩炒五分 人參 山梔炒

半夏 龍膽草炒 當歸 芍藥炒各三分

甘草二分

右水煎服若腫痛色赤元氣無虧者宜用潰後腫消痛止者不宜用大凡腫硬不潰或潰後不愈因元氣虛也午前宜用四君歸芪升麻午後宜用四君芍歸柴胡為主佐以九味蘆薈丸若飲食少思者宜用五味異功散專補胃氣若膿水清稀而見一切諸症皆因血氣內虧但溫補脾胃飲食加進血氣化生諸症自退設治瘡邪是虛其虛也禍不旋踵矣

琥珀膏治癰瘰不潰或潰而不愈癰成漏症

琥珀 木通 桂心 當歸

白芷 防風 松香 硃砂

丁香 木香 木鱉子各二兩

右先用琥珀丁香桂心硃砂木香為末其餘咬咀以麻油二斤六兩慢火煎至白芷焦黑濾去粗徐下黃丹一斤以柳枝不住手攪至黑色滴水捻軟硬得中却入琥珀等末攪勻於磁器盛之用時取少許攤貼

益脾清肝散治肝火侮脾飲食少思發熱或寒熱往來瘡不能消散方見黃水瘡

補陰八珍湯治元氣虛弱不能潰斂或內熱晡熱肌體消瘦即八珍湯加酒炒黑黃柏知母

幸天醫安

保嬰最要卷十一

三

三

五味異功散 方見敗毒之藥

胎毒瘡疥 八

胎毒瘡疥因稟胎熱或娠母飲食之毒七情之火初如乾癬後則膿水淋漓或結靨成片如發于兩耳眉或耳前後髮際之間屬手少陽經若發于四肢屬脾胃經發於兩脇屬肝經發於額屬心經發于腦屬膀胱經發于頰頰屬腎經當隨各經所主五臟勝負及乳母食啖厚味鬱怒所傳致而調治之不可微用化毒犀角等丸設元氣復傷傳變他症尤為難療

一小兒遍身患之服牛黃解毒丸皆愈惟頭結癩作癩出水此稟腎經虛熱用地黃丸解毒散而愈

一小兒患於髮際之間作痒診其母有肝火用加味逍遙散加漏蘆用牛黃解毒丸解毒散而愈 解毒散一名

一小兒患於左耳髮際漸延上頭作痒此稟肝膽二經熱毒用柴胡清肝散母子並服而愈後不戒膏梁復發膿水淋漓右頰赤色此胃經有熱先用清胃散仍用柴胡清肝散治肝火母子俱服又用立効散牛黃解毒丸而愈

一小兒兩眉患之延及遍身四肢為患膿水淋漓寒熱往來屬肝脾積熱用清胃散小柴胡湯立効散而愈後眉間復患兩目連劄小便白濁用四味肥兒丸九味蘆薈丸而愈

一小兒因乳母不戒七情厚味患此久不愈母用清胃逍遙二散子用牛黃解毒丸愈後見食甘味眉間生瘡痛痒目劄用四味肥兒丸為主佐以加味逍遙散清胃散而愈

一小兒遍身患之兩脇為甚子用四味肥兒丸立効散母用柴胡梔子散加味道遙散而愈



牛黃解毒丸治胎毒瘡癩及一切瘡瘍

牛黃 三錢

甘草

金銀花 兩

草紫河車 五錢

右為末煉蜜丸量兒服

立効散治髮瘡耳瘡及一切瘡疥

定粉末

松香末

黃柏末

黃連末

栝礬末 各一兩

右各另為末用清油燭油調搽

敷藥解毒散治一切毒瘡風疹痒痛

大黃

黃柏

山梔

寒水石 各等分

右為末水調搽若破而膿水淋漓用當歸膏或清燭油調搽

柴胡梔子散

即梔子清肝散方見聯瘡

四味肥兒丸

方見熱毒癩癧

九味蘆薈丸

方見諸疳口瘡

金黃散

方見天泡瘡

熱毒瘡疥 九

熱毒瘡疥因乳哺過早或嗜甘肥臟腑積熱或母食膏粱厚味或七情內火所致當分臟腑所屬之因病之虛實調其血氣平其所勝如肝經實熱用柴胡清肝散虛熱用六味地黃丸心經實熱用導赤散虛熱用補心湯脾經實熱用瀉黃散虛熱用補中湯肺經實熱用瀉白散虛熱用五味異功散腎經熱用六味地黃丸大凡手足冷者屬虛寒手足熱者屬實熱脈沉數有力作渴飲冷大便乾實此邪在裏宜內疎若脈浮數有力作渴飲冷此邪在表宜發散若脈浮大按舉無力或作渴飲湯乳食少思此真氣虛而發熱也調理脾胃其病自愈切不可用寒涼之劑復損真氣嬰兒宜調治乳母為主

一小兒脇間患此寒熱如瘧小便頻數此稟肝火所致先用柴胡清肝散又用加味逍遙散而愈後因乳母肝火動而復發用

加味逍遙散及八珍湯加牡丹皮山梔母子服之竝愈

一小兒腹間患此發熱便血而黃少食或作嘔或作瀉手足時

冷右關脈弦數此脾土虛弱肝火為患先用五味異功散加升

麻柴胡山梔益脾氣清肝火後用地黃丸滋腎水生肝血而愈

一小兒腿內股患此色赤不愈發熱面色或赤或青此稟腎陰

不足而木火熾盛先用柴胡梔子散以清肝心後用地黃丸以

補肝腎而愈

一小兒肘間患此作渴飲冷右寸關脈數而無力此胃經積熱

傳於肺經也先用瀉黃瀉白二散漸愈後用五味異功散四味

肥兒丸而愈

一小兒嗜膏粱甘味先患背髀後沿遍身淋漓此飲食之熱而

傷脾血也先用清胃瀉黃二散而愈但形氣怯弱用五味異功

散而元氣復

柴胡清肝散 方見脇癰

五味異功散 方見用敗毒之藥

導赤散

瀉白散 二方見臂癰

瀉黃散 方見頭面瘡

諸疔瘡疥 十

諸疔瘡疥因脾胃虧損內亡津液虛火妄動或乳母六淫七情

飲食起居失宜致兒為患當分其因審其經而平之如面青寒

熱或白翳遮睛肝經之症也面赤身熱或作渴驚悸心經之症

也面黃體瘦或作渴泄瀉脾經之症也面白咳嗽或鼻間生瘡

肺金之症也面鰲體瘦或喜臥濕地腎經之症也嬰兒宜調治

乳母若不審五臟勝負形病虛實妄行敗毒多致不救

一小兒患此小便頻數左頰青色或時目劄此肝脾之症也先

薛氏醫按 傷嬰雜要卷十一  
用五味異功散加當歸升麻柴胡調補脾氣又用九味蘆薈丸  
清理肝火未用地黃丸滋腎水生肝木而疥愈後復發不經意  
兼兩目生翳小便頻數大便泄瀉此肝邪侮脾而作也用四味  
肥兒丸五味異功散加蕪荑脾氣健而肝病愈  
一小兒患此面黃作渴大便酸臭腹脹青筋此肝脾之症用五  
味異功散為主佐以四味肥兒丸而愈  
一小兒患此面赤作渴心脈洪大此心經之症內用柴胡梔子  
散外用六仙散而愈後驚悸發熱疥癩作痛先用導赤散二服  
又用柴胡梔子散與子服母服逍遙散而愈  
一小兒患此大便酸臭肚腹膨脹手足時冷此脾經之症用五  
味異功散四味肥兒丸漸愈後因母食炙煇仍發母服清胃散  
黃連瀉心湯子服一味甘草而愈

一小兒嗜甘肥之物患之或痒或痛咳嗽飲冷此脾胃積熱  
于肺經先用清胃散以治胃熱少用瀉白散以清肺火漸愈  
痘後仍患之口乾飲湯用五味異功散兼大楓膏而愈  
一小兒年十五遍身患此腿足為甚發熱飲冷兩尺脈數洪按  
之無力此稟腎虛所致用六味地黃丸而愈後用心力學復發  
尤甚兼盜汗遺精用地黃丸為主佐以補中益氣湯八珍湯  
一小兒患此發熱飲冷痰涎上湧此稟腎虛用地黃丸料煎服  
月餘漸愈又佐以八珍湯而愈次年畢姻後發熱唾痰盜汗咳  
血仍用前藥而愈

敷藥大楓子膏治瘡疥

真輕粉 一兩

枯礬 一兩

黃連 二兩

大楓子膏 一兩

錫膏

蛇床子 二兩

柏油 六兩

右各另人大楓膏和勻更入柏油杵百餘即成膏矣每用少許塗患處

敷藥六仙散治諸疔瘡疥

苦參

獨活

大楓子

去殼

蛇床子

各一

枯礬

五錢 右為細末柏油調敷

五味異功散

方見用敗毒之

清胃散

方見熱毒口瘡

諸疔口瘡

十一

諸疔口瘡因乳哺失節或母食膏粱積熱或乳母七情鬱火所致其症口舌齒齦如生瘡狀若發熱作渴飲冷額間色赤左寸脈洪數者此屬心經先用導赤散清心火次用地黃丸滋腎水若寒熱作渴左頰青赤左關脈弦洪者屬肝經先用柴胡梔子散清肝火次用六味地黃丸生肝血若兩腮黃赤牙齦腐爛大

便酸臭右關脈洪數按之則緩者屬脾經用四味肥兒丸治脾火以五味異功散補脾氣若發熱咳嗽右腮色赤右寸脈洪數按之濇者屬肺經先用清肺飲治肺火用五味異功散補脾胃若發熱作渴兩頰黧色左尺脈數者屬腎經不足先用六味地黃丸以生腎水次用補中益氣湯以生肺氣又有走馬疳者因病後脾胃氣血傷損虛火上炎或痘疹餘毒上攻其患甚速急用銅礫散大蕪荑湯輕則牙齦腐爛唇吻腮腫重則牙齦蝕露頰腮透爛若飲食不入喘促痰甚此脾胃虛而肺氣敗也頰腮赤腐不知痛者此胃氣虛甚而內死也並不治

一小兒口瘡嘔血便血兩腮微腫唇白面青此脾土虧損木所乘也朝用補中益氣湯食遠用異功散而愈

一小兒右頰鼻準微赤此肺脾二經虛熱用四君升麻及白朮

各一

各一

散而愈

一小兒口瘡久不愈診其母右關脈弦緩乃木尅土之症先用

六君柴胡又用加味逍遙散治其母子自愈  
一小兒齒齦蝕爛年餘不愈用大蕪荑湯治其疳邪五味異功

散健其脾氣尋愈後復作兼項間結核另服敗毒藥口舌生瘡  
余用四味肥兒丸而愈  
一小兒患口瘡寒熱嗜臥作渴引飲此脾疳氣虛發熱而津液

不足也先用白朮散以生胃氣再用四味肥兒丸以治疳症兩  
月餘又用異功散而安  
一小兒口瘡身熱如炙肚腹脹大此脾疳內作朝用五味異功  
散夕用四味肥兒丸稍愈又以地黃蝦蟆三丸兼服而愈  
一小兒齒齦腐爛頭面生瘡體瘦發熱此脾疳所致先用大蘆

蒼丸又用四味肥兒丸大楓膏而愈

東垣大蕪荑湯一名梔子 扶苓湯治黃疳土色為濕為熱當利小便今

反利知黃色中為 燥胃經熱也髮黃脫落知脫腎俱受土 邪乃大濕熱之症鼻下斷作瘡

上逆行營能乳胃中有熱也 氣伏火也能乳寒則食不入喜食土足胃不面黑色為寒 為卑大便

清也寒也渴色熱蓄 血中問黃色腸胃 有熱治當滋榮潤燥外致津液

山梔仁三分黃柏二分甘草二分大蕪荑五分

黃連一分麻黃根各一分羌活二分柴胡三分

防風一分白朮各五分茯苓四分當歸四分

右水煎服

葛花解醒湯治乳母酒醉後乳兒遺熱為患

白荳蔻各五錢砂仁各五錢葛花各五錢乾生薑

白朮澤瀉神麴以黃各二錢白茯苓

陳皮

人參

猪苓

木香

青皮 三分

右為末每服二錢白湯調服

愚按前湯先哲不得已而用之蓋醉酒耗氣又服辛散重損真陰折人長命可不慎哉

大蘆薈丸治疴殺虫和胃止瀉

胡黃連

黃連

白蕪荑

蘆薈

木香

青皮

白雷丸

破開赤者不用

鶴虱

微炒各半兩 麝香 二錢另研

右為末粟米飯丸菜豆大每服一二十丸米飲下

蚶蟻丸治無辜疴症一服虛熱退二服煩渴止二服瀉痢住

蟾蜍

一枚夏月滿渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却

將蟾蜍撲死投蛆中食一晝夜以布袋盛置浸急水中一宿取出瓦上焙為末入麝一字粳米飯揉丸麻子大每服一十丸米飲下

六味肥兒丸消疳化蟲退熱若脾胃飲食少思肌肉消瘦肚大頸細髮稀成穗項間結核發熱作渴精神怠倦大便酸臭嗜食泥土或口鼻頭瘡肚腹青筋嚙下痢便白宜用此丸即四味肥兒丸加乾蟾一兩蕪荑五錢  
地黃丸 方見作渴不止

熱毒口瘡

經云手少陰之經通于舌足太陰之經通于口因心脾二經有熱則口舌生瘡也當察面部部位分經絡虛實而藥之若元氣無虧暴病口生白屑或重舌者用亂髮纏指蘸井花水搯之或

刺出毒血敷以柳花散傳之上以腫脹或有泡者並令刺破敷前散或以青黛搽之刺後又生又刺若唇吻熱烈者用當歸膏調柳花散敷之若元氣虧損或服寒涼之藥或兼作嘔少食者此虛熱也用五味異功散加升麻柴胡若泄瀉作渴者脾胃虛弱也用七味白朮散若腹痛惡寒者脾胃虛寒也用六君姜桂若因母食酒麪煎燻者用清胃散若因母飲食勞役者用補中益氣湯肝脾血虛者用加味逍遙散鬱怒內熱者用加味歸脾湯母子並服若泥用降火必變慢脾風矣仍參吐舌弄舌治之凡針重舌以線針直刺不可橫挑恐傷舌絡致言語不清也

一小兒口舌生瘡手熱飲冷屬胃經實熱用柳花散加味解毒散而愈後因傷食吐血不時弄舌屬脾經虛熱用四君子湯而愈

一小兒口舌生瘡延及頭面胸背膿水淋漓此胎毒也內用牛黃解毒丸外以當歸膏調黃栢末塗之而愈

一小兒發熱飲冷口患瘡額鼻黃赤吐舌流涎余用導赤瀉黃二散而愈後復作自服清熱化毒之藥益甚更加弄舌余用五味異功散加鈎藤鈎及六君子湯而愈蓋吐舌爲脾之實熱也弄舌爲脾之虛熱也治者審之

一小兒患前症久不愈恪服清涼之劑痰喘不已口開流涎手足並冷又欲治痰余謂經云脾主涎肺主氣此因脾土虛寒不能生肺金而然非痰火爲患也先用溫中丸二服痰喘頓止又用五味異功散而愈

一小兒口內生瘡用寒涼之劑更發熱飲湯不絕此中氣虛寒隔陽於外非實熱也用補中益氣湯加炮薑一劑而愈

陳湖陸欽君子患前症數服寒劑手足並冷口唇時動余謂此中氣虛寒而變慢脾風也後果歿

東垣清胃散治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎若因服尅伐之劑脾胃虛熱口舌生瘡或弄舌流涎或嘔吐因睡大便不實者用五味異功散

升麻一分

生地黄四分

黃連

牡丹皮

各三分

當歸稍和

右水煎服嬰兒母亦服

清熱消毒散治實熱口舌生瘡及一切瘡瘍腫痛形病俱實者

黃連炒

山梔炒

連翹

當歸各五分

川芎

芍藥炒

生地黄

各六分

金銀花一錢

甘草二分

右水煎服嬰兒母同服

四君子湯治脾氣虛熱口舌生瘡或但胃氣復傷飲食少思或食而難化若作嘔泄瀉尤宜用之如兼痰嗽氣逆肢體倦怠

面目浮腫宜用六君子湯

六君子湯治脾胃氣虛吐瀉不食肌肉消瘦或肺虛痰嗽喘促

惡寒或驚搐口直口噤諸症二方見

五味異功散治脾胃虛熱口舌生瘡或因誤服尅伐之劑脾胃復傷而口舌生瘡或弄舌流涎吐瀉不止飲食少思或驚搐痰嗽睡而露睛手足並冷若母有病致兒患者子母並服方見

用敗毒之劑

人參理中湯

人參

白朮炒

乾薑泡

甘草炙各等分

右每服一二錢水煎蜜丸卽人參理中丸加附子卽人參埋

薛氏醫按

保嬰集卷之十一



中湯

四物湯治瘡瘍血虛發熱煩躁或晡熱作渴頭目不清者用  
虛不能生血者用四君子湯 方見腹癰  
柳葉散治熱毒疔瘡

黃柏

炒

蒲黃

青黛

真正者

人中白

煨各等分

右為末敷之

加味解毒散

牛黃解毒丸

二方見胎毒瘡疥

保嬰撮要卷十二

續集

薛氏醫按

吳郡薛 已著

江都吳中珩校

疔瘡一

諸瘡惟疔毒為甚而殺人亦速古云疔有十三種種各不同內  
三十六疔滿其數即不可救亦有不滿其數而死者乃毒氣走  
散故也若痘毒染人發於頭面或遍身者又非此類在小兒多  
因乳母食有毒之物或兒卒中飲食之毒或感四時不正之氣  
皆能致之其瘡多生頭面四肢形色不一或如小瘡或如水泡  
或痛或痒或麻木不仁外症寒熱嘔吐惡心肢體拘急大要當  
分邪之在表在裡急用隔蒜灸法并解毒之劑若不省人事牙  
關緊閉急以奪命丹為末熟酒調灌如食生冷之物或用凉水

薛氏醫按

保嬰撮要卷十二

一

淋洗則輕者難愈重者不治其生於兩足者多有紅絲至臍生於兩手者多有紅絲至心生於唇口之內者多有紅絲入喉急用針挑出惡血以泄其毒可保無虞其在偏僻之處藥難導達者惟灸法有回生之功若投峻厲之劑是促其危矣小兒肌肉脆嫩且不能言痛否灸法須將蒜切薄片著肉一面略剝少空灼艾燃蒜先置大人臂上試其冷熱得宜然後移著瘡上又別灼艾如前法試之以待相易勿令間歇

毗陵金文治子將週歲唇上患疔余用活命飲母子並服更欲隔蒜灸彼不從見腫勢益盛勉灸數壯余誠以多灸為佳又為人所阻而止頭面益腫乃復灸五十餘壯腫勢漸消時與乳母服活命飲瘡出黃水翌日潰而得生

一小兒三歲手患紫疔二顆寒熱作痛用仙方活命飲半盃而

愈數日後手臂俱腫乃用隔蒜灸服前藥而愈

一小兒足患之嘔吐腹脹二日不食欲用護心散診氣口脈太審其大便所出皆酸穢余曰此飲食停滯耳非瘡毒內攻也

用護心等劑則誤矣急投保和丸二服及隔蒜灸而愈其時同患是症用護心敗毒之劑者俱致不救

一小兒面上患之寒熱發搐此熱極而肝火動也用荆防敗毒散及隔蒜灸瘡止熱退更服異功散加升麻柴胡桔梗而愈

一小兒患於胸外敷寒涼內服敗毒更欲嘔不食面色痿黃右關脈浮數按之微細此脾胃復傷所致也急用隔蒜灸服異功散倍加白朮半夏翌日又服活命飲而愈

一小兒患前症服敗毒之藥作嘔不食余謂胃氣復傷不信另服護心散嘔甚神思沉困手足並冷脈微細如無急用五味異

功散加乾薑二服嘔止食進去薑又四服而愈夫護心散皆寒涼之藥乃宋人為服丹砂蓄熱發疽者而設胃氣有傷即當溫補多因此藥停於胸膈惟覺陰冷作嘔沉困者世人皆謂毒氣攻心而遂概用之其鮮有不敗事者矣

一小兒手背患此敷服皆寒涼之劑腹脹痰喘瀉糞穢臭余謂脾胃復傷而飲食停滯也不信仍服治瘡之藥而歿

一小兒臂患之色赤腫起恪用化毒丹鐵箍散腫處頓平肉色白陷再日色黯痰喘氣促余謂瘡毒反入於內也辭不治果歿飛龍奪命丹治瘡毒發背腦疽等症

真蟾酥

乾者酒化

輕粉

枯白礬

寒水石

銅綠

乳香

沒藥

麝香

朱砂

各六錢

蝸牛

四十箇另研如無亦可

右各為末入蟾酥蝸牛或加酒少許糊丸菜豆大每服一二丸溫酒或蔥湯下重者外用隔蒜灸法

荆防敗毒散

即人參敗毒散加荆芥防風

方見流注

仙方活命飲

方見熱毒瘡瘍

保和丸

方見發熱不止

五味異功散

方見敗毒之藥

時毒

二頭面赤腫

小兒時毒因感四時不正之氣致鼻面耳項或咽喉赤腫寒熱頭痛甚者恍惚不寧咽喉閉塞狀如傷寒五七日間亦能殺人脈浮數者邪在表脈沉濇者邪在裡在表用葛根牛蒡子湯在裡用梔子仁湯表裡俱病者犀角升麻湯甚則宜砭及用通氣散宣泄其毒旬日自消若不消而欲作膿者用托裡消毒散欲

收斂者用托裡散若咽腫不能言頭腫不能食者必死  
一小兒患此三日二便調和用葛根牛蒡子湯漫腫悉退惟頰  
間赤腫欲作膿用活命飲二服外用代針膏而膿出再用托裡  
消毒散而愈

一小兒腫赤焮痛此欲作膿也用托裏消毒散二劑膿成針之  
腫痛頓減又二劑漸愈却以柴胡梔子散加白芷升麻與母服  
之而愈

一小兒腫焮作痛藥不能下咽先用通氣散連作嚏却用犀角  
升麻湯乳食稍進腫痛漸消仍服數劑而膿血漸少母服加味  
逍遙散而愈

一小兒患之咽喉作痛二便自調用葛根牛蒡子湯三劑甘桔  
湯四劑腫痛漸愈診乳母左關脈弦數用加味逍遙散母子並  
服而消

一小兒患之赤腫作渴外敷內服皆寒涼之藥余欲洗去敷藥  
急用發散表邪開通腠理之劑不信仍用前藥遂至不救  
通氣散治時毒焮痛咽喉不利取嚏以泄其毒

玄胡索 猪牙皂角 川芎 各一錢  
藜蘆 五分 羊躑躅花 三分

右爲細末用紙撚蘸少許絛鼻內取嚏爲効

甘桔湯治肺經壅熱胸膈不利咽喉腫痛痰涎壅盛 方見時毒  
犀角升麻湯治風熱口唇頰重連牙腫痛

犀角 錢二 升麻 防風 羌活 川芎  
白芷 錢各五 黃芩 甘草 錢各一 白附子 四分

右每服三五錢

梔子仁湯治時毒腫痛大便秘結

鬱金

枳殼麩炒

升麻

山梔仁

牛蒡子研碎

大黃炒各等分

右為細末每服二三錢蜜水調服

葛根牛蒡子湯治時毒腫痛消毒解熱

葛根

管仲

甘草

江西豆豉

牛蒡子半生半炒研碎

右每服三五錢水煎

柴胡梔子散方見腸癰

托裡消毒散

代針膏

托裡散

仙方活命飲

四方並見熱毒瘡瘍

加味逍遙散

方見發熱不止

流注三  
小兒流注乃氣流而注血滯而凝元氣不足之症也或因閃跌  
墮傷或因肝火氣逆或因六淫內侵或因脾虛食積或因夏  
所致結於四肢節髀患於胸腹腰髻或結塊或漫腫或作痛  
用葱熨之法須固元氣為主閃跌者和血定痛丸肝火者九味  
蘆薈丸食積者四味肥兒丸藥能對症未成自消已成自潰若  
膿成不潰者元氣虛也先補而針之庶使毒氣不致內攻氣血  
不致脫陷若膿出而反痛者氣血虛也用八瓊湯作嘔少食者  
胃氣虛也用四君子湯欲嘔不食或腹作脹者脾氣虛也用六  
君子湯口噤搐弱者氣血虛極而變症也十全大補湯內熱瞞

熱陰血虛也四物參芪白朮表熱惡寒陽氣虛也十全大補湯  
熱來復去或晝見夜伏晝伏夜發者虛熱也當大補元氣若色  
赤腫起而膿稠者尚可治不赤硬而膿清或脈洪大寒熱發渴  
及不受補者皆不可治

楊鴻臚子年十二左脇下患此服流氣飲十宜散之類元氣益  
虛年餘不斂左尺脈數而無力左關脈弦而短此肝經之症因  
稟腎水不足不能滋養肝木血燥火熾而然耳用六味地黃丸  
以滋腎水九味蘆薈丸以清肝火而愈

一小兒九歲患此久不收斂或咳嗽或寒熱皆服清氣化痰之  
藥前症益甚至夜作喘口開徹夜不寐手足竝冷藥餌到口卽  
嘔余謂悉因脾氣虛甚所致先以人參白朮各五錢炮薑五分  
以米湯煎之時灌數匙次日能服一盃次日又服一劑諸症漸

愈至十餘劑後朝用補中益氣湯夕用異攻散而愈

李通府子十六歲腰患之三年不愈色黯下陷余曰此腎經症  
也宜用六味丸滋化源以生腎水更用如聖餅外散寒邪以接  
陽氣不信別用雜藥元氣益虛七惡蜂起始信余言仍用前藥  
而愈

陳州守子閃右臂腕腫痛用流氣等藥發熱惡寒飲食少思口  
舌乾燥腫痛愈熾形氣益疲余以助胃壯氣爲主佐以外治之  
法而愈

黃地官子腿患之腫痛發熱以濕毒治之虛症悉至余謂此元  
氣虛弱外邪乘之也用十全大補湯如聖餅而愈

一小兒臂肘腫硬用流氣飲肉色不變飲食少思余曰此肝脾  
虛症也用六君桔梗薄桂茯苓半夏及如聖餅而消

畜田醫書 卷之十二  
一 小兒腿腕間患此已半載腫硬色白形氣俱虛余先用五味異功散加當歸三十餘劑却佐以八瓊湯二十餘劑更用葱熨法腫勢漸消中間一塊仍腫此欲作膿也當補其血氣遂用托裡散為主異功散為佐仍用葱熨法月許針出稠膿仍用前二藥及豆豉餅三月餘而愈

一 小兒腿患之腫硬色白惡寒懶食此脾胃陽氣虛而不能成膿也非敷貼敗毒所能療遂用托裡散及葱熨法月餘患處脹痛發熱膿成針之膿出而安仍用托裡散肢體漸健因飲食內傷泄瀉忽口噤目閉自汗手冷此脾胃虛寒之惡症也以異功散內用人參一兩乾羌一錢半灌之盡劑而甦又以托裡散內用人參五錢數劑始能動履却用托裡散大補湯葱熨法豆豉餅半載而愈

一 小兒十五歲早喪天真日晡發熱遍身作痛或四肢酸軟唾痰頭暈服祛濕化痰之藥腿之內外肉色腫硬而不變因服攻毒之藥虛症蜂起按褚氏云男子精未滿而御女以通其精五臟有不滿之處異日有難狀之疾正合此論遂用補中益氣湯及地黃丸半年而愈此等症候誤認為實熱而用敗毒之藥者必致不救

賈閣老子年十六患此二載矣脈洪大而數膿清熱渴食少體倦夜間盜汗午前畏寒余曰此真氣不足邪氣有餘之症治之無功矣彼懇求治午前勉用四君芎歸炙草午後四君麥門五味逾月諸症漸減有用滲利之劑保其必全者彼信服之形體骨立未幾而歿

一 小兒右腿腕壅腫形體怯弱余欲以補氣血為主佐以行散

之劑彼不信反內服流氣飲外敷寒涼藥加發熱惡寒形體愈  
瘠始求治於余余曰惡寒發熱脈至洪大乃氣血虛敗之惡症  
也不可治矣後潰而不斂瀝盡氣血而亡  
掌教顧東帆子十餘歲秋間腰腿隱隱牽痛面色青中兼黑余  
曰青是肝虛黑是腎虛當急調補脾腎否則春間必患流注矣  
不信另用行氣破血之藥至夏腰腿間漫腫五寸許復來請治  
脈數而滑按之如無此元氣虛極而膿內潰不能起也解不治  
後果歿

健脾滲濕飲治瘡瘍初起焮腫作痛或濕毒下注或環跳穴痛

人參 白朮 蒼朮 防已 酒拌 黃柏 炒

川芎 陳皮 當歸 茯苓 各五分 木瓜 不犯鐵器

柴胡稍 甘草 各三分

右薑水煎服如三五劑不退加桂少許酒煎亦可小便澀加  
牛膝身痛加羌活

和血定痛丸 各黑 治流注膝風或閃跌瘀血肢節腫痛服之  
自消若潰而發熱與補藥兼服自效

百草霜 五兩 赤小豆 半斤 川烏 炮一兩

白薇 八兩 白芨 南星 炮各二兩

芍藥 當歸 牛膝 各五兩

骨碎補 四兩

右為末酒糊丸桐子大每服二三十丸白湯下

神効慈慰法治流注結核或骨癰鶴膝等症先用隔蒜灸若餘  
腫尚存用此慰之以助氣行血散其壅滯功效甚速又治跌  
撲損傷止痛散血消腫之良法也其法用葱細切搗爛炒熱



類慰患處冷則易之如鶴膝風兼服大防風湯而愈

隔蒜灸法治流注及癰疽鶴膝風等症每日灸二三十壯痛者灸至不痛不痛者灸至痛其毒隨火而散蓋火以暢達按引鬱毒此從治之法有回生之功其法用大蒜去皮切三文錢厚安患處用艾壯於蒜上灸之三壯換蒜復灸未成即消已成者亦殺其毒如瘡大用蒜杵爛攤患處將艾鋪上燒之蒜敗再易如不痛或作膿或不起發及瘡屬陰症者尤當多灸凡瘡不痛不作膿不起發者皆氣血虛也多主不治惟患在頭面者不宜多灸論中嬰兒灸法見疔瘡如聖餅治流注及一切瘡瘍不能消散或潰而不斂

乳香

沒藥

木香

當歸各等

麝香減半

右為末用酒糊和餅二箇乘熱慰之毒瘡加蟾酥

六味丸一名地黃丸

此壯水之劑也夫人之生以腎為主凡病皆由

腎虛而致其流注癰瘰屬肝腎二經發熱作渴少便秘痰氣壅盛嗽血吐血頭目眩暈小便短少眼花耳聾咽喉燥痛口舌瘡裂齒不堅固腰膝痿軟五臟虛損尤宜用之乃水泛為痰之聖藥血虛發熱之神劑也方見發熱不止

當歸補血湯治流注及潰瘍肌熱面赤煩渴脉洪大而虛重按全無此血虛症也誤服白虎湯必死方見發熱不止

益氣養榮湯治流注氣血虛弱不消散或四肢頸項患腫不問堅軟赤白或痛或不痛日晡發熱或潰而不斂方見鶴膝風

十全大補湯治諸瘡血氣虛弱不能消散潰腐收斂或寒熱汗出口眼歪斜肌瘦少食或日晡發熱自汗盜汗或朝寒暮熱

瘡口不斂等症 方見便癰

天蛇毒 四

手指頭上瘡俗名天蛇毒然五指各有經絡拇指屬手太陰肺經食指屬手陽明大腸經中指屬手厥陰心包絡經無名指屬手少陽三焦經少指屬手少陰心經亦有患於足者足跌屬肝膽胃三經大指屬肝脾二經次指屬膽經小指屬膀胱經各當隨經而治其致患之由或因胃中積熱所發或因乳母膏粱厚味所致或因濕熱下流或因風毒外中大率多由所稟足三陰之經虛故邪得以入之也其初患腫痛者先用仙方活命飲次用托裡消毒散元氣下陷重墜作痛久而不潰者用補中益氣湯若服敗毒散及敷寒涼之劑則瘡口變黑或努肉突出或指皆黑大抵手足為氣血難到之處手屬於胃足屬於脾不可損

其真氣丹溪以醫居僻位尚言氣血罕到况肢末乎故寒涼克伐之藥所宜深戒者也

一小兒十四歲手大指患之色赤腫痛用奪命丹二粒活命飲一劑將愈因飲酒沐浴而瘡復作發熱咳嗽余謂此毒原屬肺經今肺為濕熱所攻瘡毒乘勢妄行故復作耳先用瀉白散二劑而痰嗽除又用托裡消毒散而瘡愈  
一小兒食指患之迸出血水瘡口凸腫上連手背久而不愈余曰此元氣虛弱風邪襲於患處血氣不能運及而然用托裡散及慈慰之法諸症悉退又用豇豆餅異功散加升麻柴胡而愈  
一小兒患之作痛發熱內外皆用寒涼之藥手背出膿三月不愈面色痿黃此脾氣復傷也先用異功散加升麻柴胡桔梗漸愈又佐以托裡散豇豆餅而痊

一 小兒十三歲素食膏粱足大指患之腫連脚面喜飲冷水右關脈洪大此脾氣復傷而積熱下注也先用清胃散四劑次用活命飲二劑腫痛漸消又用托裡消毒散數劑膿潰而愈

一 小兒足大指漫腫上連跌陽色赤腫甚右關脈數而有力此胃經濕熱下注也用活命飲一劑大指本節後始發瘡頭痛亦稍止再劑而漫腫悉退又用消毒散出膿托裡散收斂而愈

一 小兒足次指患之色赤腫痛上連於腿外塗寒涼之藥反致麻木重搯方知此氣血難到之所又因寒涼遏絕而然急以活命飲加黃芪五錢煎服外以葱熨湯洗去敷藥用隔蒜灸法半晌知痛其腫頓退再用托裡散加人參三錢數劑膿潰而愈

一 小兒足大指患之內服外敷皆寒藥也腹痛惡心手足竝冷此脾胃之氣復傷而作非瘡毒也先用異功散加柴胡升麻白

芷及仙方活命飲各一劑諸症頓退又用托裡消毒散膿潰而愈

一 小兒足大指患之變膿窠之狀良久乾硬痛甚小便頻數此稟父腎經虛熱所致用六味地黃丸而愈

一 小兒足中指患之耳中腫痛小便頻數此稟父肝腎虛熱為患用六味地黃丸為主佐以柴胡梔子散而愈

一 小兒不時生瘡脂在手足之表年餘不愈審其乳母善怒用加味道遙散母子服而愈

一 小兒足大指患之腫痛連脚用活命飲及隔蒜灸其痛不止着肉艾灸數壯方止用活命飲及托裡消毒散而愈

一 女子十五歲足拇指痒痛數敗毒之藥勢益甚而色黯余謂脾經鬱結所致彼人略不經意後朝寒暮熱飲食頓減患處微腫足脛漸細而歿

錢氏瀉白散 方見臂癰

奪命丹 方見疥瘡

消毒散 方見胎毒發丹

葱慰法

托裡散 二方見流注

仙方活命飲

托裡消毒散 二方見熱毒瘡癰

東垣清胃散 方見腹癰

五味異功散 方見敗毒之藥

補中益氣湯 方見肌肉不生

天泡瘡 五

天泡瘡狀如水泡屬肺胃二經風熱若發熱焮痛邪在表也用

人參敗毒散發熱咳嗽邪在肺也用加味瀉白散熱渴便秘邪在內也用加味清涼飲此肌膚之症當去毒水以金黃散或黃柏蚯蚓敷之當歸膏亦善既安不必服藥若因攻伐過度元氣虛而變生別症者當參各門治之

一小兒患此焮赤惡寒發熱大小便赤澁此邪在表裡之間遂

外敷金黃散內服大連翹飲子諸症少愈更加味解毒散而痊

一小兒患之焮痛發熱大小便如常此邪在表也挑去毒水敷

金黃散用荆防敗毒散治其表柴芍參苓散安其裡而愈

一小兒患此服敗毒之劑喘嗽唇白此脾肺之氣復傷也先用

補中益氣湯一劑諸症悉退後加桔梗白芷二劑而愈

一小兒患此服敗毒散敷寒涼藥嘔吐泄瀉猶索敗毒散余佯

諾之却以五味異功散加柴胡升麻而吐瀉愈又用柴芍參苓

散

散而瘡痊

一小兒患此服敗毒之藥腹痛泄瀉余意脾氣復傷宜用五味異功散不信仍服敗毒之藥後果不食作嘔流涎泄瀉後重余先用補中益氣湯次用五味異功散而愈

一小兒患此服敗毒散作渴飲湯余與七味白朮散治之不信自服敗毒之藥前症益甚更加嘔吐不食來請治余曰嘔吐不食手足並冷痰喘氣促唇色皎白始見虛寒即當溫補反服攻伐元氣之藥虛而又虛今脾肺敗症已見莫能為矣辭之果效柴芍參苓散治肝膽經分患天泡等瘡或熱毒癩瘰之類

柴胡

芍藥

人參

白朮

茯苓

陳皮

當歸

牡丹皮

山梔

甘草

分

分

右每服二錢水煎服

加味解毒散治天泡瘡發熱作痛即加味消毒散加金銀花漏

蘆

玄參

連翹

升麻

芍藥

當歸

羌活

生地黃

牛蒡子

茯苓

甘草

金銀花

漏蘆

右每服一二錢水煎服或用蜜丸

金黃散治天泡瘡消毒止痛

滑石

甘草

右各另為末和勻傅患處如泡挑去水傅之加黃栢尤好

補中益氣湯

方見肌肉不生

五味異功散

方見用敗毒之藥

毒

保嬰最要方

卷

百

加味瀉白散 卽瀉白散加山梔杏仁

楊梅瘡六

楊梅瘡乃天行時毒亦有傳染而患之或稟賦所得者受症在肝故多起於下部治失其宜多致蝕傷眼目腐敗腎莖拳攣肢節初起之時上體多者先用荆防敗毒散下體多者先用龍膽瀉肝湯大便秘者用大連翹飲後用換肌消毒散若蝕傷眼目兼用九味蘆薈丸六味地黃丸肢節拳攣兼用蠲痺解毒湯若因脾胃虧損而不能愈者先用異功散後用換肌消毒散若用輕粉之藥多致敗症也

一小兒周歲傳染此瘡誤薰銀硃之藥昏憤不乳遍身無皮用茶荳黃栢遍搽蔗上令兒睡臥更用金銀花生甘草爲末白湯調服漸愈若瘡乾燥利用當歸膏誤用輕粉者亦以前藥解之

一小兒患此年餘不愈形體消瘦日晡尤甚朝用八珍湯夕用換肌散并太乙膏三月而愈

一小兒原有肝疳後染前症膿水淋漓腹脹嘔吐小腹重墜余欲用補中益氣湯升補中氣不信仍服消毒之劑更喘嗽流涎余謂脾氣虛而肺氣弱也朝用補中益氣湯夕用五味異功散元氣漸復乃佐以換肌消毒散尋愈

一小兒因母曾患此症生下卽有用換肌散母服五十餘劑子用當歸膏調金黃散隨患處傳之尋愈

一小兒十四歲患此用薰法肢體面目悉皆浮腫數日間遍身皮膚皆潰如無皮狀膿水淋漓先用金銀花甘草煎湯與之恣飲又爲末搽遍身及鋪枕蓆令兒臥之半月許皮膚稍愈却佐以換肌散而愈

南... 何... 西... 自...

又一小兒二歲用薰法吐痰喘躁不及治而死  
換肌消毒散一名薛散 治楊梅瘡不拘初患日久竝効

土茯苓即草 當歸 白芷 甘草  
皂角刺 薏苡仁 白蘇皮 木瓜不犯鐵器

右水煎食前并空心服  
又方 治大人之劑如用前方未應或兒長大宜用此方

土茯苓五錢 當歸 白芷 皂角刺炒  
薏苡仁各一錢 白蘇皮 木瓜不犯鐵器 木通

金銀花各七分 甘草 連翹 防風各五分  
茯苓一錢 黃芪炒二錢 芍藥炒一錢 川芎八分

生地黃八分  
右作二三劑水煎出幼者作一劑煎分兩三次服

蠲痺解毒湯

羌黃 羌活 白蘇皮 赤芍藥  
當歸各四分 白朮五分 茯苓 白芷

皂角子炒各三分

右水煎服  
九味蘆薈丸 方見喉痺  
當歸膏 方見湯火瘡

太乙膏 方見跌撲外傷  
金黃散 方見泡瘡

赤白遊風七

赤白遊風屬風熱血熱益血得熱而遊走耳白屬氣分赤屬血  
分或因腠理不密風熱相搏拂鬱而成或因乳母食膏粱厚味

薛氏醫案 保嬰最要卷之卅三

所致若風熱者用小柴胡湯加防風連翹血熱者用四物湯加柴胡山梔牡丹皮風熱相搏者用人參敗毒散內熱外寒者用加味羌活散胃氣虛弱者用補中益氣湯加羌活防風或消風散血虛者用加味道遙散如未應用道遙散六味丸若嬰兒患此當審其受症之因而調治其母

一小兒患此其色或赤或白或痛或痒詢之因母食膏粱厚味所致余用東垣清胃散治其母牛黃丸治其兒而愈

一小兒患此因母鬱怒所致母用加味小柴胡湯及加味道遙散兒熱止又以加味歸脾湯而愈

一小兒患此嗜膏粱甜味齒齲浮腫漸至蝕爛先用清胃散後以四味肥兒丸間服而愈

一小兒患此色赤作痒脈浮數此脾胃二經風熱也用人參消風散而愈又因停食復發色赤作痛先用保和丸後用異功散而消

一小兒患此作痒搔破膿水淋漓寒熱往來此肝經血燥而生風先用加味道遙散肝症頓退倦怠少食用異功散三黃散而愈

一女子十五歲患此色赤作痒寒熱脇痛面青或赤此肝火動而血熱也先用加味道遙散加膽草四劑諸症頓退但體倦少食惡寒欲嘔此脾為肝木所侮而肺氣虛也用五味異功散及加味道遙散而愈

一女子患此寒熱作嘔先用加味小柴胡湯二劑而安再用人參消風散而愈後因怒發熱經行如崩遍身色赤四肢抽搐難以診脈視其面色如赭此肝心二經木火相搏而血妄行耳先



用柴胡梔子散再加味逍遙散諸症頓退又用八珍湯而痊  
一小兒因母感寒腹痛飲燒酒兒遍身皆赤遊走不定昏憤發  
熱令乳母時飲冷米醋一二杯亦以二三滴塗兒口內過日而  
愈

歸脾湯治小兒因乳母憂思傷脾血虛發熱患前症久不愈食  
少體倦或便血下血怔冲不寧驚悸少寐或心脾作痛自汗  
盜汗等症 方赤遊風

人參消風散治赤白遊風或風熱隱疹搔痒或寒熱作痛

人參 三錢

荆芥穗

甘草 炙

陳皮 各五錢

白僵蠶

茯苓

防風

芎藭

藿香

蟬蛻

各三錢

厚朴

三錢 羌製

羌活 三錢

右每服一二錢水煎

加味逍遙散

方見發熱不止

三黃散

方見黃水瘡

柴胡梔子散

方見脇癰

小柴胡湯

方見腋癰

加味小柴胡湯

方見熱毒瘰癧

牛黃解毒散

方見頭面瘡

發癩 八

潔古云癩疹之病焮腫於外者屬少陽相火也謂之癩小紅屬  
隱於皮膚之中者屬少陰君火也謂之疹癩疹並出則小兒難  
禁然首尾俱不可下大抵安裡之藥多發表之藥少小便秘則  
微疎之身溫者順身涼者逆大忌外敷寒涼內用疎導無此二  
者可保無虞

一小兒患癩發熱體倦少食此脾肺氣虛外邪相搏也先用消風散二劑隨用補中益氣湯加茯苓芍藥而愈

一小兒患癩作痛熱渴服發表之劑益甚形氣倦怠脈浮而數此真氣復損而然耳遂用人參安胃散補中益氣湯而愈

一小兒患癩發熱用犀角消毒散一劑吐瀉頓作余曰此邪氣上下俱出矣勿藥自愈未幾果安

一小兒素面白患疹作痒鼻塞流涕咳嗽不止用敗毒散膿水淋漓惡寒喘急朝寒暮熱余謂脾肺之氣復傷耳用補中益氣湯稍愈佐以五味異功散而愈

一小兒患疹寒熱搔痒先用消風散治其兒次用加味道遙散治其母兩月而愈

一小兒患癩作渴發熱咳嗽此邪在表宜汗之先用葛根橘皮湯一劑次用玄參橘皮湯而安癸丑歲患此症者余先用葛根

橘皮湯散之若邪去而熱未退者加苓連熱已退者用玄參升麻湯無不速効

一小兒患癩色赤作痛先用升麻葛根湯而減次用玄參升麻湯而安

一小兒因食膏粱醇酒遍身如癩癩用消胃散母子服之而愈

一小兒悞吞信石身赤如癩見傷發丹

一小兒因母飲燒酒身赤如癩見傷發丹

葛根橘皮湯治發癩煩悶嘔吐清汁兼治麻痘等症

- 葛根
- 陳皮
- 杏仁去皮尖
- 麻黃去節
- 知母炒
- 甘草炙
- 黃芩各半兩

右每服二三錢水煎服

玄參升麻湯治癩疹已發未發或身如錦紋甚則煩燥語言喉閉腫痛

玄參

升麻

甘草各等分

右每服二三錢水煎服

化癩湯

人參

石膏

知母

甘草各二錢

右每服二錢入糯米半合水煎六分米熟為度去滓溫服

荆芥敗毒散

即人參敗毒散加荆芥防風

人參敗毒散治瘡瘍邪氣在表應發者若增寒壯熱項強脊疼或惡咳嗽亦宜用之

人參

茯苓

川芎

羌活

獨活

前胡

柴胡

枳殼炒皮

桔梗

甘草炒等分

右每服二三錢水煎

東垣人參安胃散治癩疹因服峻厲之劑脾胃虛熱泄瀉嘔吐飲食少思等症方見喉痺

犀角消毒散治癩疹丹毒發熱痛痒及瘡疹等症

牛蒡子

甘草

荆芥

防風各五分

犀角鏡二分

銀花三分

右水煎熟入犀角傾出服

補中益氣湯方見肌肉不生

五味異功散方見敗毒之藥

加味逍遙散方見發熱不止

黃水粘瘡九

醫學啟蒙

宋嬰秘要卷之二十三

七

曲五并

小兒黃水粘瘡屬肝脾二經風熱積熱所致邪在表而痒痛者輕則犀角消毒散重則連翹防風湯邪在內而大便秘者輕則九味解毒散重則大連翹飲若頭目不清憎寒壯熱作渴便秘者表裡俱有邪也加味清涼飲若誤用尅伐之藥而致發熱惡寒者肺氣傷也用四君桔梗柴胡發熱嘔吐胃氣傷也用異功散發熱作瀉脾氣虛也用六君子湯並加柴胡升麻餘當隨症裁之

一小兒患此膿水淋漓寒熱作痛服抱龍丸敗毒散更加氣喘等症蓋氣喘發搐乃肝火乘脾咬牙流涎乃脾氣虛寒遂朝用補中益氣湯夕用五味異功散外敷立效散而愈

一小兒患此發熱驚悸倦怠面黃懶食流涎服清心之藥更加吐瀉睡而露睛余謂心脾虛熱用六君乾薑一劑頓愈又用異

功散立効散而愈

一小兒患此或痒或痛膿水瀝淋服表散之劑更惡寒發熱嘔吐不食手足竝冷此病氣實而元氣虛也先用異功散加桔梗藿香而嘔吐止又用異功散而寒熱除用人參消風散而瘡愈一小兒所患同前服荆防敗毒散加喘嗽腹脹四肢發搐此脾肺氣虛而肝木乘之用異功散加柴胡升麻桔梗一劑諸症頓退又服異功散二劑而愈

一小兒患此服抱龍丸之類汗出喘嗽此肺氣虛而為外邪所乘也用異功散加桔梗二劑又傷風發熱咳嗽其瘡復甚用惺惺散一服外邪頓退又用異功散而痊

毛通府子患此卯閉脉青兩目時劓形體困倦此土虛木旺當用和肝補脾湯反服敗毒散前症益甚更加吐瀉不食遍身發

泡余用前湯刺泡出水用菘豆甘草末頻鋪蓆上任兒睡臥後用神効當歸膏而愈

沈尚寶子患此咳嗽惡寒用大連翹飲腹脹少食此表症瀉裡致元氣復損非其治也用補中益氣湯而愈

一小兒患此作痒發熱膿水淋漓面青惡寒此肝火血熱用加味逍遙散稍愈又用和肝補脾湯而痊

一女子十四歲遍身疙瘩搔破膿水淋漓發熱煩躁日晡益甚此血氣虛而有熱也用加味逍遙散而愈

大連翹飲治風毒熱毒發熱作痛二便不利表裡俱實方見發癩柴胡梔子散治肝膽風熱生瘰作痛發熱或瘡破而膿水淋漓

或發寒熱脯熱即柴胡梔子散方見脇癰犀角消毒散治熱毒積毒發于肌表而頭面生瘡或痛或痒者

方見發癩

丸味解毒散治熱毒胎毒而發瘡瘍之類未潰作痛者

黃連炒三分

金銀花

連翹

芍藥三分

山梔四分

白芷六分

當歸八分

防風三分

甘草三分

右水煎母子並服

人參消風散方見赤白遊風

加味清涼飲治熱毒積毒在內患瘡瘍大便不通而欲痛作渴

當歸

赤芍藥

甘草炙

大黃炒各三分

山梔炒三分

牛蒡子炒四分

右水煎服

荆芥敗毒散治風熱相搏邪氣在表患瘡瘍之類寒熱作痛者

薛氏醫按

保嬰輟要卷之十一

三

補五

補中益氣湯治瘡瘍之類過服敗毒之藥致中氣虛弱發熱或

寒者方見方見發熱不止

六君子湯治瘡瘍脾胃虛弱不能飲食更或嘔吐而瘡不愈者

人參消風散治諸風上攻頭目昏眩項背拘急肢體煩疼肌肉

顫動耳若蟬鳴鼻塞多嚏皮膚頑麻瘙癢癩疹目澁昏困方見

連翹防風湯治小兒肝脾風熱時毒頭面生瘡

連翹研碎防風黃連陳皮

芍藥當歸獨活白蒺藜炒去刺

荆芥茯苓黃芩甘草

牛蒡子炒研等分

右每服二錢水煎服

惺惺散治風寒瘡疹痰嗽發熱

桔梗細辛人參白朮

甘草瓜蒌根白茯苓

右為末每服二錢八薄荷五葉水煎服

和肝補脾湯治風熱瘡疹脾土不及肝木太過

人參陳皮川芎各五分白朮

茯苓芍藥各七分柴胡甘草各三分

山梔炒四分

右作二劑水煎服

益脾清肝湯治肝脾風熱瘡寒熱體痛脾胃虛弱

薛氏醫案

保嬰撮要卷之十一

卷

續

本草綱目卷之十一

人參 白朮 茯苓 甘草

川芎 當歸 黃芪各三分 柴胡

牡丹皮各二分

右水煎服

三黃散治風熱疔熱生瘡水浸淫膿流處便濕爛

松香 五倍子 黃連 黃丹

海螵蛸各一錢 輕粉 雄黃各少許

右為末用瑩肌散煎洗滲之乾者油敷

立効散

定粉 松香 黃柏 黃連

枯礬各一錢

右為末用清燭油調搽

四君子湯 方見脈論

異功散 方見敗毒之藥

加味逍遙散 方見發熱不止

頭面瘡十

人身諸陽之氣會於首而聚於面其患瘡痍者因臟腑不和氣血凝滯於諸陽之經或稟賦腎陰虛肝火或受母胎毒或乳母六淫七情或食膏粱醇酒或兒食甘肥厚味所致其因不同當各辨其經絡審其所因而治之若發於目銳眦耳前上頰抵鼻至目內眦者皆屬小腸經發於顛及頭角下頰耳後腦左右者皆屬膽經發於頰前鼻孔及人中左右者皆屬大腸經發於鼻之挾孔下唇口反承漿頤後頰車耳前髮際額顛者皆屬胃經發於目內眦上額尖至後腦項者皆屬膀胱經既察其經即當

薛氏醫案

保嬰撮要卷之十一

雜

分治若稟腎火者用六味地黃丸胎毒者犀角消毒丸食積疳者四味肥兒丸乳母膏梁者東垣清胃散至於諸腑受病必兼諸臟故患於額間屬心經發熱飲冷者為實熱用導赤散發熱飲湯者屬虛熱用養心湯左腮屬肝經或頸項勁強者為實熱用柴胡清肝散或咬牙煩悶者虛熱用六味地黃丸右腮屬肺經喘嗽飲冷者為實熱瀉白散發熱咳嗽者為火刑金用人參平肺散鼻間屬胃經發熱飲冷大便黃硬者為寔熱用瀉黃散發熱飲湯大便青白者為虛熱用異攻散患於頰及耳輪者屬膀胱經腎無實症惟用地黃丸若瘡已潰久而不愈則當審其臟氣之相勝病邪之傳變而以調補脾胃為主若因乳母遺熱為患者當先治其母則兒病自愈也

一小兒鬢患一瘡腫赤作痛余謂屬手足少陽經風熱用柴胡

梔子散不應診其母左寸關脈弦洪而數即以前藥令母服之兒遂愈

一小兒十三歲右頰患腫作痛飲冷脈沉實重按則數此積熱在臟也當疎通其內不信乃泛服雜藥兼敷寒涼腫硬下頰內潰復來請治脈已無力矣先用托裡散二劑針之又二劑而膿始出惡寒少頃煩燥發熱作渴痰喘此潰後變症因氣血虛故也先用當歸補血湯二劑諸症頓止又用異功散加山梔胃氣亦健末用托裡消毒散瘡斂而愈

一小兒右腮赤腫余謂胃經有熱先用瀉黃散二服又用清胃散而愈後復患之敷石灰等藥致傷其血瘡不能潰余先用活命飲次用托裡消毒散而愈

一小兒耳後結數核作痛左腮青赤此肝疳積熱所致用四味



肥兒丸柴胡清肝散及五味異功散加柴胡升麻而消

一小兒耳赤腫痛寒熱往來此肝經熱毒也用加味小柴胡湯寒熱悉退又用柴胡清肝散而赤腫頓消

一小兒頰間赤色作渴目睛白多面常生瘡睡而露睛先君謂稟父陰虛用地黃丸補中益氣湯而愈後出痘亦無虞設不預為調補腎氣則出痘之危其可保耶

一小兒四歲大陽連眉不時作痒或生小瘡此屬膽經風熱也先用地黃丸次用柴胡梔子散後專服地黃丸而愈

一小兒面常生瘡左頰赤腫或睡中發搐審其母素有鬱怒用加味逍遙散加味歸脾湯母子俱服而愈

一小兒面白時或變赤生小瘡兩足發熱先君以為稟賦足三陰虛熱不信專服清涼之藥後出痘果黑陷而歿

一小兒久患前症耳下結核余曰此肝脾疳毒也久而不愈則

先用五味異功散加柴胡梔子散清其肝火後用四味肥兒丸治其疳而愈

一小兒患前症耳後結核大便酸臭飲食減少余謂此脾疳所致先用五味異功散為主異功散為佐而愈

一小兒患前症頭皮光急發熱作渴小便頻數余謂此腎肝之疳也用地黃丸為王朝用補中益氣湯夕用五味異功散而愈

一小兒患前症鼻準色黃左腮色青食少泄瀉服犀角丸形體瘦弱口渴飲湯余用補中益氣湯健其脾氣佐以四味肥兒丸消其腑毒而愈

一小兒思前症痛痒不一右腮鼻準皆赤屬胃經有熱審之果因母飲酒所致先用清胃散次用加味逍遙散治其母熱兒敷

大楓膏而愈

一小兒因母鬱怒也前症兼發搐疾鼻間左腮皆赤色先用加味小柴胡湯二劑用加味歸脾湯四劑治其母熱兒亦少飲並愈

一小兒因母食厚味頭面患瘡右腮色赤久而不愈用清胃散治其母以牛黃散其子浹旬而愈

一小兒面上患瘡頭忽赤腫口槩不語此胃經熱熾也用活命飲酒調二服稍緩又酒煎一服赤腫漸退後用解毒散而瘡一小兒面上患瘡色赤作痛發熱飲冷脾肺脈數而有功用仙方活命飲二劑瘡口出水沿及遍身似大麻風症仍用前飲及清熱消毒散而愈

表甥凌雲霄年十五歲壬寅夏見其面赤畧燥形體消瘦余曰

子病將進矣癸卯冬復見之曰子病將深矣至申辰春足陽明經部分皆青色此木乘土位之症也先以六君柴胡芍藥山梔蕪荑炒黑黃連數劑稍定又以四味肥兒丸六味地黃丸及用參苓歸朮芍草梔柴肉桂三十餘劑兼用加減八味丸而愈

一小兒先眉間作痒搔卽成瘡延及頭面傳立効散而愈後因乳母怒氣復痒作炒不安此肝膽二經之熱也兒用牛黃解毒丸母用加味逍遙散而愈

一小兒先患眉爛延及遍身如癩久而不愈手足並熱面色常赤此稟母胃火所致子服瀉黃散母服竹葉石膏湯加味逍遙散子又用牛黃散拔毒散母子並愈

一小兒頭患瘡如癩或作痒結痂或膿水淋漓二年矣作渴飲冷發熱面赤此稟心與小腸表裡俱有熱也先用導赤散二服

却用活命飲拔毒散漸愈子又服牛黃散母服逍遙散而愈後  
因母食膏粱復發用清胃散母子服之子又服活命飲而愈  
一小兒面生瘡作渴飲湯服敗毒之藥致吐瀉不食手足並冷  
余謂脾胃氣虛復傷而變症虛寒也先用益黃散而逆症退用  
異功散而瘡症愈

錢氏瀉黃散治瘡瘍作渴飲冷臥不露睛手足並熱屬胃經實  
熱宜用瀉黃散若作渴飲湯臥而露睛手足並冷屬胃經虛  
熱宜用五味異功散若誤服攻毒之劑吐瀉不愈手足指冷  
脾腎虛寒也宜用益黃散若病後津涸不足口乾作渴胃氣  
虛也宜用七味白朮散

藿香葉 甘草各七錢五分 山梔仁兩 石膏煨五錢  
防風二兩

右用蜜酒微炒為末每服一二錢水煎

益黃散治瘡瘡屬脾胃虛寒吐瀉不止手足並冷者

陳皮一兩 丁香二錢 訶子泡去皮 青皮去白  
甘草炙各半兩

右為末每服一錢水煎

養心湯治心氣不足虛熱上攻而患瘡瘍者

黃芪炒 白茯苓 半夏麩 當歸  
川芎 辣桂 栝子仁 酸棗仁炒

五味子柿 人參各三錢 甘草炒四錢

右每服一二錢薑棗水煎為末服亦可  
牛黃解毒散治胎毒頭面癩或延及遍身痒癩不安浸淫不愈  
及眉煉瘡

生甘草 一兩

牛黃

五錢膏梁之子必用之

金銀花

一兩

右各為末每服二三分乳汁調服或用甘草煎膏為丸如芡實大每服一丸白湯化下外傳清金散亦可

拔毒散治症同前及疥癩瘡癰

黃芩

黃連

白礬

三味俱生用

雄黃

各五錢

銅礬

二錢瘡甚加之

松香

右各另為末乾摻患處或用油調搽疥瘡宜加枯礬三錢

梔子清肝散

即柴胡梔子散

治三焦及足少陽經風熱耳內作痒

出或脇肋乳間作痛往來寒熱

方見脇癰

仙方活命飲治一切瘡毒腫痛或作痒寒熱或紅絲走徹惡心

嘔吐等症

方見熱毒瘡瘍

治疔瘡等症用金銀花杵爛絞汁杯許入熱酒半杯徐徐服之  
用藤葉亦効無鮮者用枯者煮飲亦可

導赤散

方見臂癰

六味丸

即地黃丸加五味子四兩肉桂一兩名加減八味丸

竹葉石膏湯

二方見作渴不止

清胃散

方見腹癰

人參平肺散

方見肺癰

當歸補血湯

方見發熱不止

五味異功散

方見敗毒之藥

托裡消毒散

托裡散

二方見熱毒瘡瘍

加味歸脾散

薛氏醫案

保嬰最要卷之十一

梔子柴胡湯

即梔子清肝散

小柴胡湯

三方見脇癰

人參消風散

方見赤白遊風

瀉白散

方見臂癰

大楓膏

方見疥瘡

加味逍遙散

方見發熱不止

補中益氣湯

方見肌肉不生

四味肥兒丸

方見貼骨癰

眉煉

附癩頭瘡

眉煉者謂小兒兩眉間生瘡如疥癬當求其因而藥之蓋眉屬膽經若原稟肝膽經熱或乳母肝膽經有熱者用柴胡梔子散或乳母食厚味醇酒者用加味清胃散或乳母有鬱怒者用加

味逍遙散俱與乳母服亦飲少許仍參前症主之

一小兒患前症用柴胡清肝散母子服之而愈後因母不戒膏

梁厚味復發延及遍體脈水淋漓先用清胃散次用柴胡梔子

散與母服子用清金散牛黃解毒丸而愈

一小兒嗜膏梁厚味患之漸及肢體兩眉為甚膿水淋漓寒熱

往來內用清胃散加味小柴胡湯外傳立効散而愈後眉間復

發兩目連劄小便白濁將成肝疔用四味肥兒丸九味蘆薈丸

而愈

一小兒因乳母不戒七情厚味患此延及遍身久而不愈母先

用清胃散次用加味逍遙散子用牛黃散解毒丸立効散而愈

後兒食厚味眉間作痒搔破成瘡或痒或痛兩目連劄用四味

肥兒丸佐以加味清胃散而愈

一 小兒眉間作痒破而成瘡延及遍身兩脇為甚用四味肥兒丸立効散母服柴胡梔子散加味道遙散而愈

一 小兒患此服化毒丹乳食不納手足俱冷此藥傷胃氣用五味異功散與母服兒亦時服三五滴母又服加味道遙散加龍膽草漏蘆兒症漸愈

一 小兒患此先延兩脇後及遍身此肝火乘脾也診乳母亦有肝火先用加味道遙散加炒黃連數劑却去黃連又二十餘劑而痊

一 小兒患之乳母惱怒其瘡益甚眉稜抽動不經意延及遍身乳母甚怒兒面色赤驚悸咬牙兼之發搐此心肝二經風熱所致也用加味小柴胡湯加味道遙散而愈

青金散治小兒疥癬眉煉或延及遍身瘙痒或膿水淋漓經年

不愈

不愈

松香 二兩

真蛤粉 五錢

青黛 二錢五分

右為末用燭油調搽或乾搽之或加輕粉枯礬各三錢以治前症及胎毒疥癩尤効

立効散 方見黃水痘

加味道遙散 方見發熱不止

牛黃解毒丸 方見前

四味肥兒丸 方見胎骨癰

九味蘆薈丸 方見喉痺

加味清胃散

清胃散 二方見腹癰

小柴胡湯 方見脇癰

百病醫

加味小柴胡湯

方見熱毒瘡瘍

導赤散

方見臂癱

活命飲

方見熱毒瘡瘍

牛黃解毒散

拔毒散

二方見頭面瘡

